

IA

DIVER S.  
TRAICTES.  
HISTOR.

IA

IA

IA

IA



cm 1 2 3 4 5 6 7 8 9 10 11 12 13 14 15

19 18 17 16 15 14 13 12 11 10 9 8 7 6 5 4 3 2 1



18

18  
17  
16

15

14

13

12

11

OE<sup>xv</sup>  
754

Pièce	1.	Daurou	381.	
2	-	912.	Polleint-4168	<sup>616</sup>
3	-	915	-	4618
4	-	913		
5	-	914	-	3899
6	-	916		
7	-	917		
8	-	918.		

Toutes les autres pièces sont du XVI<sup>e</sup> siècle

EXV 754

ancien L 4° 463

Relure aux armes de  
De Mon avant  
Les deux mariages



OE xv  
754

l'entree du roy en la ville

10

# Entree du roy en la ville de geines.







## L'entree du Roy en la ville de Geines.



Le roy partit du monastere saint Augustin estant au bourg a vne lieue dudit geines: et au deuant dudit sire marchoyent cinq mille suisses: portans les vngz picques: & les autres halebardes/couleurines/arbalestres: & to<sup>9</sup> les estandars desploiez: & de sonner tabourins & fleutes q<sup>e</sup> estoient esdictes compaignies: qui estoit chose merueilleuse.

Item apres marchoyent quatre mille cinq cens auturiers. Item quatre mille gascos acoustrez cote dessus

Item apres cinq cens laquais come dessus: le tout en bonne ordonnance.

Item apres y auoit six cens lances d'ordonnance ayans chascune bende son capitaine: & to<sup>9</sup> leurs cheuals bardez: qui estoit chose singuliere a veoir. Et a lors ilz tirerent plus de deux cens cops d'artillerie estans apres de la abbaye dou estoit party le roy. Lesquelles gens de pied & de cheual conduisoient le roy iusques a l'entree de la ville. Et de la sen retournerent au camp dont ilz estoient partis. Et est a noter q<sup>l</sup> estoit demoure au bastillon quatre mille homes de pie & deux cens homes d'armes

En oultre marchoyent apres trois cens lances d'ordonnance qui entrerent en la ville & sen allerent tout droit au chastellet castelat & a la tour saint iehan: pour iceulx garder en seurete ce pendat que le roy seroit en la ville.

Après vindrent quinze cens arbalestriers qui conduysent messeignrs les capitaines. cestassauoir Humbert cozet Hector bertin & Molart: to<sup>9</sup> acoustrez de hallectretz & sallades. ayans chascun son arbaleste au col garnis de traitz au coste.

Après vindrent. xxij. chariotz chargez d'artillerie: cestassauoir canons/bombardes/faulcons/faulcons mopes



acompaigned de deux cens canoniers: & plusieurs aultres gens seruans a lad<sup>e</sup> artillerie: & les conduisoyn le maistre de l'artillerie monseigneur despyc.

Item il y auoit quelque nombre de prisonniers des geneuoys qui auoient este prins durāt la guerre: accompaigned de certaines gens de pied qui les cōduisoient.

Item apres marchoyent tous les chantres de la chapelle du roy.

Item apres les maistres d'hostel/pānetiers/escuyers varletz de chambre: & aultres officiers de la maison qui estoient en grant nombre abillez bien richement.

Item apres marchoyēt gens de fināces. cest assauoir tresoriers/generaulx/recepueurs/secretaires de fināces secretaires du roy: & aultres officiers q<sup>ui</sup> faisoit bon beoir.

Item & en oultre y auoit grant nombre de pensionnaires armez tous a cheuaulx bardez qui faisoient grādes gambades a oultrance. Et est assauoir que tous les pensionnaires nestoient pas en lad<sup>e</sup> entree: pource que le roy en auoit enuoye vne partie a Sauone.

Après venoyent les cent suisses du roy.

Item apres monseigneur de Borbon monte sur vng beau courcier faisant gambades au possible: & cōduisoyn les quatre cens archiers de la garde dont le roy la fait capitaine general. Monseigneur daubigny semblablement a cheual. Et apres venoit a pied messire gabriel de la chastre: & monseigneur de crussol capitaines desd<sup>e</sup> gardes: ayans chascun deux cens archiers de lad<sup>e</sup> garde.

Item y estoit messire Galeas force: grant escuyer: et apres luy les escuyers descuyrie: les paiges du roy montez sur les grans cheuaulx de nostredit sire.

Item apres marchoyent les princes qui suiuoyent le plus gozrierement qu'on scauroit penser: montez sur grās destriers & cheuaulx bardez. Cest assauoir.



Monseigneur le duc de ferrare  
Le marquis de mantoue  
Le marquis de montferrat  
Le marquis de rotelin  
Monseigneur dozual  
Monseigneur de laual  
Monseigneur de ponthieure  
Monseigneur panesly  
Monseigneur de vendosme  
Monseigneur de neuers  
Monseigneur de dunoyz  
Monseigneur de calabze  
Monseigneur dalencon ny estoit pas car il estoit demoure  
mallade en ast.

Tous les dessus nommez auoyent gentilz hōmes & pais  
ges apres eulx bien acoustrez & armez portans lances.

¶ Item le Roy estoit monte sur vng courcier arme de  
pied en cap tenant vne espee nue en sa main en signe de  
victoire: & vng pouille sur sa teste a six bastōs que tenoiet  
six anciens de lad. ville de geines. Ledit pouille estoit de  
satin frize doz: moytie estoilles d'argent & frāges d'argēt  
de mesmes: charge iceluy de fleurs de lys.

¶ Item apres marchoyt mōseigneur le grant maistre de  
france Charles damborse mōte sur vng grant courcier  
acoustre le plus richemēt apres le roy que hōme de toute  
la bande: tenant vne espee toute nue en sa main comme  
lieutenant du roy victorieux.

¶ Item apres marchoit tout seul sur vne mulle tresres  
uerend pere en dieu monseigneur le Cardinal damborse  
legat en france. Apres luy suiuoyēt quatre cardinaulx:  
Cest assauoir monseigneur le cardinal saint Seuerin:  
le cardinal final: le cardinal de Priz: le cardinal Dalbic


Et apres grant nombre darceuesques & euesques/abbes  
prothenotaires:& aultres gens deglise.

**E**Item suiuyent les ambassadeurs du roy trescrestien  
Après marchoyt monseigneur le grant seneschal de  
normandie. monseigneur de Ravel: to<sup>r</sup> acheual & armez  
Et les suiuyent les deux cens gentils hommes tous ar  
mez & montez sur grans cheuaulx faisant gambades par  
les rues: qui faisoit beau veoir.

**E**Item en oultre il y auoit monseigneur Mercure capi  
taine de deux cens albanoyz montez sur cheuaulx tur  
quoyz: ayant chascun vne lance en la main: & acoustrez  
a la mode du pays

**E**Item y auoit apres grant multitude de paiges & aul  
tres ieunes seruiteurs des princes & officiers dud<sup>s</sup> seigneur  
Et pour la fin de ladicte entree apres suiuyent tous les  
muletz du Roy/princes & seigneurs de la court:& ny en  
estoit pas entre vng auant lad<sup>e</sup> entree.

**E**Senfuyt ce qui a este faict de par la ville  
pour l'entree du Roy nostre sire.



**D**Remierement vindrent au deuant du Roy  
nostre sire tous gens deglise/religieux: apor  
tant croix eue benoiste & bannieres tout  
ainsi et en la maniere que lon a acoustume  
de faire en france.

**E**Item allerent hors la porte tous les anciens de la vil  
le:& se agenouillerent deuant le roy luy priant les prendre  
a ses subiectz & luy criant tous a genoulx Misericorde.

**E**Item aux fenestres de ladicte ville auoit de draps dor  
veloux/tappiz de turquie & aultres choses singulieres:  
& lesdictes fenestres garnies de belles dames.



Et en chascun cosing des rues y auoit eschaffaulx ou il y  
auoit belles dames & belles filles autant belles quil est  
possible de veoir: bien parees & acoustrees criant audit  
seigneur Misericorde

Item durant ladicte entree y estoit arrive au port  
de ladicte ville deux naufz & six galeres avec aultres ga  
leres estant a nostredit sire le Roy: toutes armees & bien  
acoustrees qui par l'espace de vne heure incessamment get  
toient cops dartillerie sans celle du castellet: & aultres  
lieux de la enuiron: qui estoit chose singuliere a ouyr.

Et est a noter que aupres de geines auoit aultres gas  
leres/ & fustes/ & naufz dalixandrie/ turquie/ barbarie: et  
daultres lieux estranges: qui pour la venue du roy sen  
resioissoient grandemēt en iouant des tabozins/ fleutes  
& aultres instrumens dont il faisoit beau veoir & ouyr.

Item nostredit sire le roy sen alla disner au palais  
acompaigne comme dessus.

¶ Fait a Geines Le. xxix. Dauril. Lan de grace  
Mil cinq cens & sept.



Handwritten signature: *Handwritten signature*

